

Broj: 01-02-1561/20

Sarajevo, 02.11.2020. godine

## ZAPISNIK

### 14.REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 30.09.,14.10. i 15.10.2020. godine

Online sjednica je počela u 10.08.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 12. redovne, 9. i 10. vanredne sjednice usvojeni su bez primjedbi.

U raspravi o izmjenama i dopunama dnevnog reda učestvovali su: Salko Zildžić, Mladen Bošković, Damir Mašić, Adis Arapović i Jelka Miličević.

Data je pauza od pet minuta za kratke konsultacije.

Prijedlog Salke Zildžića da se sa dnevnog reda skine tačka 7.- Prijedlog Zakona o izmjenama i dopunama Zakona o fiskalnim sistemima nije usvojen (44 za, 14 protiv i 17 uzdržanih glasova).

Prijedlog Damira Mašića da se u dnevni red uvrsti tačka - Prijedlog Zakona o izmjenama i dopunama Zakona o ublažavanju negativnih ekonomskih posljedica izazvanim pandemijom korona virusa, po skraćenom postupku, nakon glasanja i dodatne prozivke predsjedavajućeg nije usvojen (38 za, 11 protiv i 34 uzdržana glasa).

Prijedlog Vlade FBiH da se Prijedlog Zakona o dopuni Zakona o Komisiji za vrijednosne papire razmatra po hitnom postupku, na osnovu pojedinačnog izjašnjenja nije usvojen (45 za, 23 protiv i 12 uzdržanih glasova).

Sabina Ćudić tražila je pauzu kako bi se donijela odluka o daljem načinu rada, budući da postoje tehničke smetnje za ovakav način rada.

Data je pauza do 12.00.

Nakon pauze i konsultacija sa šefovima klubova, predsjedavajući je kazao da je zaključeno da se sjednica prekine, te da se zaduži sekretar Doma da sa članovima Kolegija iznađe rješenje ili prostor gdje bi se održala sjednica uz fizičko prisustvo zastupnika. Kazano je da se prijedlozi pošalju sekretaru, te da nije isključeno da se sjednica održi i van Sarajeva.

Predsjedavajući je prekinuo sjednicu u 12.15.

\* \* \*

### NASTAVAK 14. REDOVNE SJEDNICE PREDSTAVNIČKOG DOMA PARLAMENTA FBiH, održane 14.10.2020. godine

Sjednica je počela u 10.02. u Hotelu Hills.

Sjednicom je predsjedavao potpredsjedavajući Mladen Bošković.

Potpredsjedavajući Bošković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, potpredsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdali su: Zeid Mujić, Amela Kuskunović, Josip Martić i Ivan Musa.

Alma Kratina predložila je zaključak.

Sa 65 glasova za, bez glasova protiv i bez uzdržanih glasova usvojen je sljedeći:

## ZAKLJUČAK

Zadužuje se Vlada FBiH da u roku od 90 dana formira Vijeće za djecu Federacije BiH kao konsultativno, stručno, interresorno i koordinirajuće tijelo Vlade FBiH koje djeluje pri Federalnom ministarstvu rada i socijalne politike a u čijem sastavu će biti predstavnici akademske zajednice, resornih ministarstava i NVO koje rade sa djecom i za djecu, sa ciljem sveobuhvatne institucionalne zaštite prava djeteta.

### Zastupnička pitanja

**Damir Mašić** postavio je dva pitanja. Prvo pitanje uputio je Vladi FBiH – kada će izaći sa rješenjem, olakšavanjem i prevazilaženjem problema prouzrokovanih posljedicama pandemije koronavirusa, jer mjeseci prolaze a od Vlade, osim Zakona koji je istekao i nakon neprihvatanja inicijative i prijedloga SDP-a za usvajanjem Korona zakona nema ni jedne mjere, koja bi poboljšala ovo stanje.

Drugo pitanje – dobio je informaciju da je Vlada donijela odluku da na nivou Federacije ukine Fond za studentske zajmove. Ako je to tačno, na osnovu koje analize i kojih procjena je Vlada ušla u taj aranžman i donijela odluku o ukidanju.

**Nijaz Helez** prvo pitanje uputio je menadžmentu Kliničkog centra Univerziteta u Sarajevu i Sveučilišnoj klinici Mostar i Federalnom ministarstvu zdravstva, a vezano je za broj testiranja stanovništva iz Srednjo-bosanskog kantona, te između ostalog traži da se odobri veći broj testiranja ovom kantonu.

Drugo pitanje uputio je Vladi FBiH, a vezano je za zaključak o malim hidrocentalama, traži odgovor koliko je dodjeljeno koncesija za male hidrocentrale u Srednjo-bosanskom kantonu u period maj 2011.-novembar 2014. godina i ko su vlasnici koncesija.

Treće pitanje vezano je za studiranje na Univerzitetu u Sarajevu i Pravilnik o studiranju za prvi i drugi ciklus studija – zbog čega se ovaj Pravilnik ne primjenjuje i kada će se donijeti odluka da se uspješnim studentima omogući snižavanje školarine ili neki drugi način oslobađanje od finansiranja.

**Mujo Hasić** pitanje je uputio Federalnom ministarstvu finansija – kada će riješiti problem nedostatka prostora za Kantonalni porezni ured Tuzla, Porezna ispostava Gračanica.

Uputio je inicijativu prema BH Telekomu Direkcija Tuzla, za otvaranje još jednog naplatnog mjesta u gradu Gračanica za korisnike usluga BH Telekoma.

Drugu inicijativu uputio je Vladi FBiH i nadležnim ministarstvima za ubrzavanje procesa za izdavanje okolinske dozvole za Global Ispat Koksnu industriju Lukavac.

**Mara Đukić** postavila je pitanja vezano za izgradnju minihidrocentrala te apeluje na nadležne da zaustave gradnju i izvrše reviziju izdatih dozvola svih do sada izgrađenih minihidrocentrala. Također, na sjednici Vlade usvojeno je povećanje poticaja za obnovljive izvore energije, te da li će se to opet koristiti za izgradnju minihidrocentrala.

**Dževad Adžem** pokrenuo je inicijativu prema Vladi FBiH ispred Kluba zastupnika DF, kojom Predstavnički dom zaključkom obavezuje Vladu da na ime pomoći umjetnosti, zabavi i rekreaciji kao ugroženim oblastima iz Fonda za pomoć ili drugih izvora osigura finansijska sredstava u iznosu od dva miliona KM. Za sredstava u iznosu od dva miliona KM Federalno ministarstvo kulture i sporta izradiće program na osnovu kojeg će finansijsku podršku dobiti institucije kulture, umjetnosti, zabave i rekreacije, pojedinci, organizacije i institucije.

**Jasmina Zubić** prvo pitanje uputila je Institutu za medicinsko vještačenje i Federalnom ministarstvu za rad i socijalnu politiku a tiče se donošenja Pravilnika u primjeni liste

invaliditeta za medicinsko vještačenje. Pojedini članovu Upravnog odobra bez obzira što je provedena kompletna procedura nisu dali saglasnost, pa pita, ko su ti ljudi koji drže blokirana prava najranjivijih kategorija i kolike su njihove naknade. Također, kazala je da je tim članovima istekao mandat. Postoji li odgovornost za takvo ponašanje.

Naredno pitanje vezano je za inicijativu koju je uputila na prošloj sjednici a tiče se donošenja instrukcije u primjeni Pravilnika o postupku i načinu registracije oldtimer. Nije joj odgovoreno da li će instrukciju dati Ministarstvo saobraćaja i komunikacija BiH koja je neophodna da se dostavi direkcijama MUP-ova po kantonima kako i na koji način izvršiti registraciju oldtimer vozila.

Pitanje je uputila Domu naroda Parlamenta FBiH - kada će se na dnevnom redu sjednice Doma naroda naći Prijedlog Zakona o izmjenama i dopunama Zakona o reviziji privatizacije koji je usvojen u Predstavničkom domu.

**Albin Muslić** komentirao je odgovore na više pitanja koja je postavljao a tiču se izgradnje brze ceste Lašva-Nević Polje, a vezano za eksproprijaciju, kada će se okončati eksproprijacija, koliko je okončano postupaka eksproprijacije, kada se očekuje okončanje izbora izvođača radova i kada će započeti radovi, traži od Vlade FBiH konkretan odgovor na pitanja.

**Sanela Klarić** pokrenula je inicijativu a na kojoj je radila zajedno sa nevladinim sektorom u BiH jer su primjećene nepravilnosti prilikom izrade strateških dokumenata. Traži se potpuna implementacija Uredbe za izradu strateških dokumenata u Federaciji BiH, zato što dosadašnje prakse ukazuju da se puno toga prebaci na konsultante koji vode procese donose i strateške odluke i traže da se vlasništvo nad procesom i transparentnost kao i komunikacija sa građanima ali i vlasništvo i odgovornost nad tim dokumentima vrate u javne institucije Federacije BiH, a da se eksperti i konsultanti koriste za pripremu informacija i istraživanja.

Pitanje koje postavlja vezano je za grad Goražde i izgradnju obaloutvrda, a uputila ga je Federalnom ministarstvu poljoprivrede, vodoprivrede i šumarstva – koji je plan ovog Ministarstva nakon što je inspekcija a i Ministarstvo za prostorno planiranje izdalo rješenje o ništavnosti Projekta za izgradnju i šta će učiniti zajedno sa Svjetskom bankom kada imaju ova izdata rješenja?

Ponovila je pitanja koja je uputila prema Federalnom ministarstvu energetike, rudarstva i industrije jer je nezadovoljna odgovorima koja je dobila vezano za rad operatera za obnovljive izvore energije i efikasne kogeneracije.

**Miomirka Melank** pitanje je postavila vezano za dodjelu konkursnih sredstava za projekte pri Ministarstvu za kulturu i sport i Minislarstvu za obrazovanje i nauku – ko je nadležan za reviziju i analizu izvještaja koje sprovode ministarstva i njihove fondacije, koliko je vraćeno sredstava koja nisu utrošena i opravdana po konkursima koji dolaze u ministarstva. Zašto nisu na stranicama objavljena imena komisija i članova tih komisija kao i način njihovog izbora. Zašto nije prihvaćen prijedlog Vlade FBiH da se stranim produkcijama koji finansiraju realizaciju određenih kulturnih projekata vrati PDV kako to rade u drugim zemljama Evrope? Kazala je da se u većini ministarstava koja se bave raspodjelom sredstava traži obimna dokumentacija, pa pita zašto je to potrebno.

**Alma Kratina** pitanje je uputila Federalnoj upravi za inspekcijske poslove, traži izvještaj Federalne uprave o stanju ispravnosti rada iz oblasti zaštite okoliša i zaštite voda i a posebno sa fokusom na inspekcijski nadzor u dane vikenda kada je u pitanju Acelor Mittal.

**Samer Rešidat** kazao je da još nije dobio odgovor na pitanje vezano za djelatnost turizma. Pitanja koja postavlja, vezana su za presude Ustavnog suda – koje presude Ustavnog suda FBiH Vlada FBiH je bila dužna implementirati, u kojim rokovima, koji su zakoni odlukama Ustavnog suda trebali biti izmjenjeni i koja ministarstva su ih trebala uputiti u Predstavnički dom Parlamenta FBiH i zbog čega Vlada FBiH prolongira implementaciju presuda Ustavnog

suda, da li je u pitanju odsustvo političke volje da se presude implementiraju ili Vlada ne raspolaže stručnim i kompetentnim kadrovima.

**Kenela Zuko** traži od Vlade da hitno implementira inicijativu koju je pokrenula 03.10.2019. godinu a tiče se zaduženja Vlade FBiH i resornog ministarstva u Budžetu za 2020. godinu da se planiraju sredstva u iznosu od 300 hiljada KM za sanaciju Zavoda za zbrinjavanje mentalno invalidne djece i omladine Pazarić, da se planiraju sredstva za zapošljavanje dva psihologa i dva pedagoga u skladu sa pravilnikom o standardima za rad i pružanje usluga ustanovama socijalne zaštite u Federaciji BiH.

**Adis Arapović** kazao je da na dva pitanja koja je uputio Ministarstvu pravde FBiH nije dobio odgovor te traži da mu se odgovor dostavi.

Prvo pitanje – koliki je iznos nenaplaćenih budžetskih prihoda odnosno primitaka po osnovu pravosnažnih sudskih odluka o prekršajima za period 2015.-2019. godina, za svaku budžetsku godinu pojedinačno. Na osnovu njegovih saznanja da se radi o desetinama miliona maraka nenaplaćenog prihoda traži precizno pojašnjenje, kako su nastali ovako veliki dugovi, koje zakonske anomalije su to omogućile i na koji način se može riješiti.

Pitanje je uputio sekretarijatu Predstavničkog doma, traži da mu se dostavi pregled opravdanih i neopravdanih izostanaka zastupnika poimenično na sjednicama Doma od prve sjednice zaključno sa današnjom sjednicom.

**Husein Rošić** pitanje je uputio predsjedavajućem Vijeća ministara BiH – kada će bit formirana komisija za državnu imovinu, obzirom da je veliki broj projekata, infrastrukturnih posebno, ovisan o toj komisiji, posebno u onom dijelu gdje se vrši eksproprijacija državne imovine, a poseban akcenat stavlja na projekat izgradnje trake za spora vozila na cesti M5 Bihac-Bosanski Petrovac-Ključ, dionica Ripač -Vrtoče poddionica Ripač -Dubovsko.

**Eldar Čomor** prvo pitanje uputio je Federalnoj upravi za inspeksijske poslove, traži informaciju o broju izvršenih inspeksijskih nadzora od strane Federalne uprave za inspekcijeke poslove razvrstane po inspektoratima i to za svaki kanton- traži informaciju od 2019. godine i prvih devet mjeseci 2020. godine.

Drugo pitanje upućeno je Vladi FBiH - traži inforamciju koliko su nadležna ministarstva po zakonu trebala donijeti podzakonskih akata i pravilnika, a nakon donošenja zakona od strane Parlamenta FBiH, koji su to pravilnici, te traži informaciju o nedonesenim pravilnicima.

**Dženana Hodžić** pitanje je uputila Federalnom ministarstvu pravde i Notarskoj komori – koji je pravni osnov na osnovu kojega trenutno notari mogu da vrše notarski obrađene isprave.

**Safer Demirović** osvrnuo se na pitanja postavljena Federalnom ministarstvu za boračka pitanja, pitanjima postavljenim JP Ceste Federacije i Autoceste Federacije, pa ponovo između ostalog pita kada će se krenuti sa radom na dionici puta Tuzla - Sarajevo.

Pita Federalno ministarstvo energije, rudarstva i industrije a vezano za Rudnik mrkog uglja Banovići- u toku je procedura provođenja javnog konkursa za imenovanje uprave. Traži da mu se dostavi mišljenje Federalnog rudarskog inspektora za sve kandidate koji su aplicirali na ovaj konkurs na mjesta za koja se traže posebni uslovi.

**Nihad Čolpa** osvrnuo se na radijacijski incident koji se dogodio u Sarajevu 2019. godine, pa tri pitanja upućuje Vladi FBiH- kolika je trenutna kontaminacija opasna za lokalno stanovništvo, kolika je površina kontaminiranog prostora i šta je učinjeno po tom pitanju.

**Miralem Galijašević** pitanje je uputio Vladi FBiH i Federalnom ministarstvu zdravstva, a vezano je za testiranje građana Zeničko-dobojskog kantona, te traži da se nabave i raspodjele testovi, i da se vodi računa o potrebama kantonalnih bolnica.

**Amer Obradović** kazao je da je sa kolegicama Nasihom Pozder i Lanom Prlić radio na nekoliko inicijativa i pitanja koje su uputili, u saradnji sa Međunarodnim republikanskim institutom, USAID-om i Američkom ambasadam za zaštitu kulturnog, prirodnog i historijskog nasljeđa te pitanje postavljaju Vladi FBiH – da li Vlada i Federalno ministarstvo kulture i sporta radi na Zakonu o zaštiti i očuvanju kulturnog, historijskog i prirodnog nasljeđa FBiH, da li se provode aktivnosti po tom pitanju?

**Edita Mazić** pokrenula je inicijativu prema Vladi FBiH da se u Zakonu u o izdvajanju i usmjeravanju dijela prihoda ostvarenih radom termoelektrana dopuni član 1., član 2. i član 6. **Hasan Muratović** postavio je pitanje Vladi FBiH odnosno premijeru a vezano je za aktivnosti formalno-pravne i organizacijske prirode rudnika u sastavu koncerna Elektroprivreda.

Postavio je i pitanje - da li samo jedan čovjek vodi Rudnik Kreka, a to je rudnik od čije proizvodnje zavisi Blok 7.

**Sabina Ćudić** traži da joj se dostavi odgovor na pitanje koje je postavila vezano za implementaciju presuda Ustavnog suda.

Traži da joj se u narednih 15 dana dostavi odgovor vezan za radnopravni status trenutnih članova Komisije za vrijednosne papire.

Nakon zastupničkih pitanja Husein Rošić u ime Kluba zastupnika SDA tražio je pauzu od pola sata.

Pauza

Nakon pauze Husein Rošić kazao je da je tražio pauzu zbog dodatnih konsultacija u Klubu vezanih za glasanje o hitnom i skraćenom postupku.

Prijedlog Vlade FBiH da se Prijedlog Zakona o zaštiti korisnika finansijskih usluga razmatra po hitnom postupku nije usvojen (47 za, devet protiv i četiri uzdržana glasa).

Prijedlog Vlade FBiH da se Prijedlog Zakona o izmjenama i dopunama Zakona o unutrašnjem platnom prometu razmatra po hitnom postupku, usvojen je sa 51 glasom za, 12 glasova protiv i uz tri uzdržana glasa.

Prijedlog klubova zastupnika SDA, HDZBiH-HNS, SBB i DF, da se Prijedlog Zakona o izmjeni Zakona o djelimičnom otpisu dugovanja sportskim kolektivima razmatara po hitnom postupku, usvojen je sa 66 glasova za, bez glasova protiv i bez uzdržanih glasova.

Sa 58 glasova za, bez glasova protiv i uz osam uzdržanih glasova, usvojen je sljedeći:

#### D N E V N I R E D

1. Prijedlog Zakona o izmjeni Zakona o naplati i djelimičnom otpisu dugovanja sportskim kolektivima-hitni postupak, predlagачi: klubovi zastupnika SDA, HDZBiH –HNS, SBB i DF,
2. Prijedlog Zakona o izmjenama i dopunama Zakona o unutrašnjem platnom prometu-hitni postupak,
3. Prijedlog Zakona o Registru finansijskih izvještaja,
4. Prijedlog Zakona o računovodstvu i reviziji,
5. Prijedlog Zakona o izmjenama i dopunama Zakona o fiskalnim sistemima,
6. Nacrt Regulacionog plana historijskog gradskog područja Blagaj za period od deset godina od dana usvajnja,
7. Izvještaj o izvršenju Budžeta FBiH za 2019. godinu,
8. Izvještaj o radu FERK-a za 2019. godinu,
9. a) Kvartalni izvještaj o dugu Q4/2019,  
b) Kvartalni izvještaj o dugu Q1/2020,  
c) Kvartalni izvještaj o dugu Q2/2020,
10. Informacija o vanjskom i unutrašnjem dugu u Federaciji BiH na dan 31.12.2019. godine,
11. a) Izvještaj o zaduženju Federacije BiH po osnovu emisije (5Y) obveznica na dan 23.06.2020. godine,  
b) Izvještaj o zaduženju Federacije BiH po osnovu emisije obveznica (Aukcija 14.07.2020. godine-6Y),

12. a) Godišnji izvještaj o poslovanju Javnog preduzeća “Željeznice Federacije BiH “  
d.o.o.  
Sarajevo za 2016. godinu,  
b) Godišnji izvještaj o poslovanju Javnog preduzeća “Željeznice Federacije BiH “  
d.o.o.  
Sarajevo za 2017. godinu,  
c) Godišnji izvještaj o poslovanju Javnog preduzeća “Željeznice Federacije BiH “  
d.o.o.  
Sarajevo za 2018. godinu,  
13. Izbori i imenovanja.

**1. Prijedlog Zakona o izmjeni Zakona o naplati i djelimičnom otpisu dugovanja sportskim kolektivima – hitni postupak**, predlagači: klubovi zastupnika SDA, HDZBiH –HNS, SBB i DF,

Prijedlog Zakona utvrdili su klubovi zastupnika SDA, HDZBiH –HNS, SBB i DF.

Prijedlog Zakona razmatrala su nadležna radna tijela i dostavila izvještaje.

Potpredsjedavajući je kazao da je predlagač uputio amandman, koji postaje sastavni dio Prijedloga Zakona. Amandman glasi: u članu 1. Prijedloga Zakona riječi “nastalog do 30.06.2020. godine”, zamijeniti riječima “nastalog do 01.11.2020. godine”.

Klub zastupnika SDP predložio je amandman na ovaj Prijedlog Zakona, od kojega su nakon rasprave odustali.

Dodatno obaržloženje dao je Marijan Klaić.

U ime Kluba zastupnika SDA obrazlagao je Adnan Efendić.

U raspravi su učestvovali: Damir Mašić, Irfan Čengić, Samer Rešidat i Husein Rošić.

Sa 71 glasom za, bez glasova protiv i bez uzdržanih glasova, usvojen je Prijedlog Zakona o izmjeni Zakona o naplati i djelimičnom otpisu dugovanja sportskim kolektivima.

**2. Prijedlog Zakona o izmjenama i dopunama Zakona o unutrašnjem platnom prometu- hitni postupak**

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je Mira Bradara.

U raspravi niko nije učestvovao.

Sa 55 glasova za, bez glasova protiv i uz sedam uzdržanih glasova usvojen je Prijedlog Zakona o izmjenama i dopunama Zakona o unutrašnjem platnom prometu.

**3. Prijedlog Zakona o Registru finansijskih izvještaja,**

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je Mira Bradara.

U raspravi niko nije učestvovao.

Sa 67 glasova za, bez glaosva protiv i bez uzdržanih glasova usvojen je Prijedlog Zakona o Registru finansijskih izvještaja.

**4. Prijedlog Zakona o računovodstvu i reviziji**

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Vlada FBiH dostavila je 16 amandmana, koji su postali sastavni dio Prijedloga Zakona.

Također, Vlada FBiH je 20.10.2017. godine prihvatila tri amandmana Admira Hadžipašića, delegata Doma naroda i 14 amandmana zastupnika u Zastupničkom domu: Sanela Razića, Bajre Makića, Jasmine Zubić, Midhata Karovića, Jasmina Kadića i Ramiza Meše.

Ispred Vlade FBiH dodatno obrazloženje dala je Mira Bradara. U raspravi su učestvovali: Jasmina Zubić i Mujo Hasić.

Potpredsjedavajući je konstatirao da su amandmane podnijeli: Mujo Hasić—jedan amandman, Klub zastupnika Naša stranka—osam amandmana i Jasmina Zubić — 11 amandmana.

Domu se po ovom pitanju obratila Jelka Milićević.

Budući da zastupnici koji su predložili amandmane nisu odustali od njih, zastupnici su se o njima izjašnjavali. Amandman Muje Hasića, na član 57. stav 2. nije usvojen (19 za, bez glasova protiv i 40 uzdržanih glasova). Amandman I., Kluba zastupnika Naša stranka na član 10. novi stav 2., nije usvojen, (18 za, bez glasova protiv i 38 uzdržanih glasova). Amandman II., Kluba zastupnika Naša stranka na član 15. stav 1., nije usvojen, (17 za, bez glasova protiv i 42 uzdržana glasa). Amandman III., Kluba zastupnika Naša stranka na član 22. stav 5., nije usvojen, (20 za, bez glasova protiv i 40 uzdržanih glasova). Amandman IV., Kluba zastupnika Naša stranka, na član 28. stav 2., nije usvojen, (21 za, bez glasova protiv i 40 uzdržanih glasova). Amandman V., Kluba zastupnika Naša stranka, na član 30. stav 3. nije usvojen, (20 za, bez glasova protiv i uz 39 uzdržanih). Amandman VI., Kluba zastupnika Naša stranka, na član 32. stav 2., nije usvojen, (19 za, bez glasova protiv i 42 uzdržana glasa). Amandman VII., Kluba zastupnika Naša stranka, na član 38., nije usvojen, (16 za, bez glasova protiv i 42 uzdržana glasa). Amandman VIII., Kluba zastupnika Naša stranka, na član 57. novi stav 3., nije usvojen, (18 za, bez glasova protiv i 39 uzdržanih glasova).

Jasmina Zubić tražila je izjašnjenje o amandmanu VII., na član 57. stav 2. a koji nije usvojen (19, bez glasova protiv i 42 uzdržana glasa.) i o Amandmanu XI., na član 121. stav 3., koj nije usvojen (19 glasova za, bez glasova protiv i 38 uzdržanih glasova).

Sa 50 glasova za, bez glasova protiv i uz 20 uzdržanih glasova usvojen je Prijedlog Zakona o računovodstvu i reviziji.

## **5. Prijedlog Zakona o izmjenama i dopunama Zakona o fiskalnim sistemima**

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dala je Medina Dudo.

Na Prijedlog Zakona amandmane su podnijeli: Salko Zildžić (četiri amandmana) od kojih je odustao i Jasmina Zubić (tri amandmana).

U raspravi su učestvovali: Lana Prlić, Irfan Čengić, Albin Muslić, Salko Zildžić i Samer Rešidat.

Amandman I. Jasmine Zubić, članom 16. mijenja se član 33., nije usvojen (16 glasova za, bez glasova protiv, 41 uzdržani glas) Amandman II. Jasmine Zubić, koji se odnosi na član 17. kojim se dodaju članovi 33.a) i 33.b) nije usvojen (16 glasova za, bez glasova protiv i 43 uzdržana glasa). Amandman III. Jasmine Zubić, na član 33., odnosno novi član 62.b), nije usvojen (15 glasova za, bez glasova protiv i 37 uzdržanih glasova).

Nakon glasanja zastupnika nije usvojen Prijedlog Zakona o izmjenama i dopunama Zakona o fiskalnim sistemima (13 glasova za, 21 glas protiv i 26 uzdržanih glasova).

Data je pauza do 16 sati.

## **6. Nacrt Regulacionog plana historijskog gradskog područja Blagaj za period od deset godina od dana usvajnja,**

Nacrt je utvrdila Vlada FBiH.

Nacrt su razmatrala nadležna radna tijela i dostavila izvještaje.

Ispred Vlade FBiH dodatno obrazloženje dala je Hanka Mušinbegović.

Sa 53 glasa za, bez glasova protiv i bez uzdržanih glasova, usvojen je sljedeći:

### **ZAKLJUČAK**

Predstavnički dom Parlamenta Federacije BiH prihvata Nacrt Regulacionog plana historijskog gradskog područja Blagaj za period od deset godina od dana usvajnja, i smatra da može polužiti kao dobra osnova za izradu prijedloga Zakona.

Zadužuje se predlagač da organizira i prodvede javnu raspravu u trajanju od 90 dana.

Zadužuje se predlagač da prilikom izrade prijedloga Regulacionog plana uzme u obzir sve sugestije, primjedbe i prijedloge iznijete u raspravi kao i one koje su dostavljene u pisanom obliku.

## **7. Izvještaj o izvršenju Budžeta FBiH za 2019. godinu,**

Izvještaj o izvršenju Budžeta FBiH za 2019. godinu, dostavila je Vlada FBiH.

Izvještaj su razmatrala nadležna radna tijela i dostavila izvještaje.

Ispred Vlade FBiH dodatno obrazloženje dao je Mario Glibić.

U raspravi su učestvovali: Damir Mašić, Irfan Čengić, Jasmina Zubić, Husein Rošić, Sabina Čudić, Salko Zildžić, te ministrica Jelka Milićević.

Predstavnički dom nije prihvatio Izvještaj o izvršenju Budžeta FBiH za 2019. godinu, (36 glasova za, 14 glasova protiv i sedam uzdržanih glasova).

## **8. Izvještaj o radu FERK-a za 2019. godinu**

Izvještaj o radu FERK-a za 2019. godinu, dostavila je Regulatorna komisija za električnu energiju FBiH.

Izvještaj su razmatrala nadležna radna tijela i dostavila izvještaje.

Ispred FERK-a dodatno obrazloženje dao je Mile Srdanović.

U raspravi su učestvovali Safer Demirović i Sanela Klarić.

Nakon glasanja, potpredsjedavajući je konstatirao da nema kvoruma na sjednici i prekinuo sjednicu u 17.55.

\* \* \*

## **NASTAVAK 14. REDOVNE SJEDNICE PREDSTAVNIČKOG DOMA PARLAMENTA FBiH, održane 15.10.2020. godine**

Sjednica je počela u 10.20. u Hotelu Hills.

Sjednicom je predsjedavao potpredsjedavajući Mladen Bošković.



Potpredsjedavajući Bošković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, potpredsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdali su: Seid Mujic, Amela Kuskunovic, Ivan Musa, Mirsad Zaimovic, Osman Catic, Husein Topcagic, Nasiha Pozder i Ivica Pavkovic.

Potpredsjedavajući je konstatirano da je sjednica prekinuta na glasanju o tački 8. dnevnog reda, budući da nije bilo kvoruma.

## **8. Izvještaj o radu FERK-a za 2019. godinu**

Potpredsjedavajući Bošković pozvao je zastupnike da se izjasne o ovoj tački dnevnog reda. Nakon pojedninačnog izjasnjavanja Predstavnički dom nije prihvatio Izvještaj o radu FERK-a za 2019. godinu (45 glasova za, dva glasa protiv i 17 uzdržanih glasova).

- 9. a) Kvartalni izvještaj o dugu Q4/2019,**
- b) Kvartalni izvještaj o dugu Q1/2020,**
- c) Kvartalni izvještaj o dugu Q2/2020,**

Kvartalne izvještaje dostavila je Vlada FBiH.

Kvartalne izvještaje razmatrala su nadležna radna tijela i dostavila izvještaje.

Predstavnički dom primio je k znanju: a) Kvartalni izvještaj o dugu Q4/2019, b) Kvartalni izvještaj o dugu Q1/2020, c) Kvartalni izvještaj o dugu Q2/2020.

## **10. Informacija o vanjskom i unutrašnjem dugu u Federaciji BiH na dan 31.12.2019. godine,**

Informaciju je dostavila Vlada FBiH.

Informaciju su razmatrala nadležna radna tijela i dostavila izvještaje.

Predstavnički dom primio je k znanju Informaciju o vanjskom i unutrašnjem dugu u Federaciji BiH na dan 31.12.2019. godine.

- 11. a) Izvještaj o zaduženju Federacije BiH po osnovu emisije (5Y) obveznica na dan 23.06.2020. godine,**
- b) Izvještaj o zaduženju Federacije BiH po osnovu emisije obveznica (Aukcija 14.07.2020. godine-6Y),**

Izvještaje je dostavila Vlada FBiH.

Izvještaje su razmatrala nadležna radna tijela i dostavila izvještaje.

Predstavnički dom primio je k znanju Izvještaj o zaduženju Federacije BiH po osnovu emisije (5Y) obveznica na dan 23.06.2020. godine, b) Izvještaj o zaduženju Federacije BiH po osnovu emisije obveznica (Aukcija 14.07.2020. godine-6Y).

- 12. a) Godišnji izvještaj o poslovanju Javnog preduzeća "Željeznice Federacije BiH " d.o.o. Sarajevo za 2016. godinu,**
- b) Godišnji izvještaj o poslovanju Javnog preduzeća "Željeznice Federacije BiH " d.o.o. Sarajevo za 2017. godinu,**
- c) Godišnji izvještaj o poslovanju Javnog preduzeća "Željeznice Federacije BiH " d.o.o. Sarajevo za 2018. godinu,**

Direktor Enis Džafić dao je dodatno obrazloženje.

U raspravi su učestvovali: Irfan Čengić, Adnan Efendić, Damir Mašić, Husein Rošić, Mirsad Čamdžić, Ivan Boban, Bahrudin Šarić, Hasan Muratović i direktor Džafić.

Predstavnički dom nije prihvatio Godišnji izvještaj o poslovanju Javnog preduzeća "Željeznice Federacije BiH" d.o.o. Sarajevo za 2016. godinu (31 glas za, 13 glasova protiv i 14 uzdržanih glasova).

Predstavnički dom nije prihvatio Godišnji izvještaj o poslovanju Javnog preduzeća "Željeznice Federacije BiH" d.o.o. Sarajevo za 2017. godinu (31 glas za, 13 glasova protiv i 14 uzdržanih glasova).

Predstavnički dom nije prihvatio Godišnji izvještaj o poslovanju Javnog preduzeća "Željeznice Federacije BiH" d.o.o. Sarajevo za 2016. godinu (32 glasa za, 13 glasova protiv i 13 uzdržanih glasova).

### **13. Izbori i imenovanja**

Komisija za izbor i imenovanja je na svojoj sedmoj sjednici od 14.10.2020. godine, razmatrala izbor članova u Zajedničku komisiju za usaglašavanje različito usvojenih tekstova zakona u Parlamentu Federacije BiH. Ispred Doma naroda, prijedlog kandidata u ovu Komisiju je: Alisa Hajdarović, Senad Čeljo, Damir Džeba, Ivan Ivić i Rasim Kantarević. Ispred Predstavničkog doma prijedlog kandidata u ovu Komisiju je: Dario Knezović, Mira Grgić, Salko Zildžić, Hajrudin Žilić i Azra Hadžić-Bećirspahić.

Sa 62 glasa za, Predstavnički dom donio je Odluku o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH.

Potpredsjedavajući Bošković zaključio je rad 14. redovne sjednice u 12.30.

Transkript i prijepis transkripta sjednice čine sastavni dio Zapisnika.

SEKRETAR  
PREDSTAVNIČKOG DOMA  
PARLAMENTA FEDERACIJE BIH

Ivan Miličević

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Mirsad Zaimović